



親像，一蕊火

——詩寫臺籍老兵佺許昭榮

照佇烏陰的所在
暗瘖¹的光裡走揣失明的以往，掀開
看一頁佺島嶼的運命牽連如絲
交葛，浮沉的漂浪
拋記持的網
網一船走味的青春
鹹澀，是目屎抑是
映佇海面，戰場的影跡
心悶佺傷痕

榮譽軍伋的進行曲響起
離別的跂步聲踏寫這塊土地
時代悲涼的歌，一條
勇氣的布帶
佇肩胛頭，措做 tîm-tāng 的思念
長長，恁的少年
燙熱著旗面的朱顏
赤焰的
太陽

漸漸，只睹黃昏的黯淡
沉落海，稀微的星照佇烏陰的所在
怎樣閣是暗色罩雲，看袂著青天白日
佇暝深的夜半，親像偷渡的囚
運輸艦頂懸的臺灣兵
無出征的鬧熱，船駛動
漸漸，只睹碼頭的雨滴
愈來愈冷，故鄉的路漫漫
霧霧裡

上岸，遮袂牢的砲彈
也是雨，遐爾粗的雨
落佇槍聲的密林
kún-hiānn² 聚集的戰地烽火
用血俗泥做伙滾絞，恁
只有成做一蕊點著的紅
引燃回歸的向望，每日
烘暖眠夢的
蠟燭

光微微，你干焦會當用暗瘳
去照佇烏陰的所在，去掘挖
死俗生，戰友滄桑的幽靈俗堅疤的空喙
阮看見，你是一蕊
溫度燒烙
探尋埋佇歷史烏洞的魂魄
痛苦，俗 hong-hàm³
毋是皇軍、毋是榮民，嘛毋是
恁家己，恁無名

無光，寂寞的無奈紀念碑
燭花強欲焦薦
碑石的霜冰你明白，五月
港邊城市初夏，斑芝樹葉攏落
落塗，孤寒一陣一陣
瘦瘦的身骨猶原欲攬抱燦爛的
堅定，爆放花穎的光焱
你，開做焚烈的火蕊
照佇烏陰的所在

【後記】

1928年出世的許昭榮先生，本身做過臺籍日本兵，嘛是戰後的國民黨政府海軍的「臺灣技術員兵」。彼个時代，不管是戰死的，抑是滯留中國的，有真濟臺灣兵攏無名字的記錄，所以自1987年開始，許昭榮先生就一直為臺籍老兵爭取應有的尊嚴恰權益。但是，因為執政者長期的冷淡，許昭榮先生煞佇2008年5月20號彼一暗，選擇佇伊所爭取、設立的高雄旗津「臺灣無名戰士紀念碑」頭前自焚。

作者註

1. 暗碇 (àm-phú)：華語「灰暗不清」的意思。
2. kún-hiânn：華語「燃燒沸騰」的意思。
3. hong-hàm：華語「荒唐、荒謬」的意思。



作者感言

林姿伶 高雄市鹽埕國小教師

2015年，當官方攏咧慶祝「對日抗戰七十週年」的時陣，曾經參與太平洋戰爭、國共內戰的臺籍老兵的故事，煞真少人注目。

因為對 in 的遭遇真毋甘、對這塊土地的往事有一種哀悲，所以，透過這首詩，抒發我的心情；透過這首詩，我向望會當喚起閣較濟的關心恰了解——臺灣史冊頂懸，強欲無聲的，點點滴滴，臺籍老兵的血汗恰目屎的痕跡……